

欽定石渠寶笈續編

欽定石渠寶笈續編

第四

乾清宮藏四

皇上御筆書畫四

御筆福康安奏報攻克斗六門詩以誌事一卷

本幅蠟牋本。縱一尺四分。橫一尺七寸八分。  
行書。

福康安奏報攻克斗六門詩以誌事 斗六門

攻克。今朝至捷音。遲聞因海上。

茲據福康安奏  
十一月廿一日

與海蘭察等分據大埔林。中林大埔尾三莊。沿  
途殺賊六七百名。鎗斃騎馬賊目十餘人。將器  
械馬匹全行奪獲。直攻開斗六門。即日已進搗  
賊巢。惟其相逼至月餘始到。是此時擒獲賊匪  
佳音。想亦在途。總以海上別信遞山陰。又據李  
風信不常。不能速至也。  
探聞官兵已攻破大里伐。賊匪逃入內山。百戰  
生番等稟稱。願將林爽文擒獲獻出。等語。百戰  
雄皆勝。諸臣嘉不禁。福康安海蘭察鄂輝恒瑞  
據賊卡。奮勇勒殺。百戰皆勝。甚屬可嘉。已先行  
交部議敘。至普爾普打通府城道路。及分外出  
力之侍衛章京。並鎮將官弁等。除賞給已國魯  
名號。及陞等賞領各員外。凡在事出力之員弁  
今一併查明。咨部議敘。所有打仗出力之東南  
兵丁。亦令酌量分別賞給錢糧。以示嘉獎。

望翹企寶報首完擒 乾隆丁未嘉平御筆於  
寶二。古稀天子之寶。猶日孜孜。

引首

御筆 掃穴先聲 鈐寶一。古希天子。

鑒藏寶璽 石渠寶笈所藏。

御筆福康安奏生擒逆首林爽文信至詩以誌事

一卷

〔本幅蠟牋本。縱一尺四分。橫一尺七寸八分。〕

行書

福康安摺奏生擒逆首林爽文信至詩以誌事

大里反推破巢穴頻繁馳諭戒逍遙

福康安於上年

十一月二十五日。攻克大里。擒賊巢後。止云。當社等協力緝拿。未曾奏及。連即帶兵乘勝追捕。誠恐事機稍緩。生擒等不知畏懼。未必肯撫降。上紫編等。是以頻降諭旨。深以遲緩為戒。撫降

輯衆日無暇執訊招番井有條

茲得生擒林某文提音奏至據

另招奏稱該處民人投出者絡繹不絕皆妥為撫輯又於所執賊目選完送首去路及招出各

社生者嚴切曉諭今其協同堵截擒獻又今已國魯二十員此練兵丁數百名改裝易服扮作

民人同淡水義民及社丁通事等分投搜緝遂於正月初四日在老衙峙地方將林英文並賊

目何有志等一同擒獲現在搜查餘孽不究得遺所辦供片井有條可謂弗孤爾用者矣

生擒盡美善不教餘孽復根苗移師南指如破

竹又據奏候將北路搜查淨盡今各兵少為休息即統率大兵肅清南路擒拿賊目莊大田

等語賊首就擒先聲奪氣自當勢如待捷音惟破竹想續奏捷音亦祇在早晚間耳

幕與朝。乾隆戊申仲春御筆鈐寶二。古稀天子之寶。猶日孜孜。

引首

御筆。俘渠紀寶。鈐寶一。古希天子。

鑒藏寶璽。五福五代堂古稀天子寶。八徵耄念之寶。寓意於物。即事多所欣。石渠寶笈所藏。

御筆再題樂律全書一卷

〔本幅蠟牋本。縱一尺二寸。橫五尺八寸九分。〕  
行書。

再題樂律全書。朱載堉樂律全書之謬已見  
前論。茲一再閱。其以曲調譜古歌者。立我烝民  
之歌。乃訓寄豆葉黃。而合康衢童謠與老人擊  
壤歌為一章者。其思文后稷章乃訓寄金字經  
附以大禹謨水火金木土穀惟脩八句為金字。



經之二。皆雜轢而成。至南風歌。為調寄鼓孤桐。先以古琴操。返彼三山。今十六句。而繼之以南風之薰四語。更屬狂誕。考舜歌南風。見於樂記。有篇名而無其辭。韓非子淮南子史記。皆是秦及西漢人。未見其辭也。鄭康成禮記注云。其辭未聞。是東漢亦尚無其辭也。解慍阜財四句。始於家語及尸子。孔穎達正義云。家語王肅所增。如非鄭所見。尸子雜說。不可取證。正經故亦斷。

為此詩今無。是則南薰一曲。漢唐人尚疑之。惟  
輔廣以為家語必有所據。南風長養萬物。猶人  
君長養萬民。為得聖人之意云云。尸子為六國  
時人。家語乃孔氏所傳。且歌辭尚彷彿喜起之  
遺。未可定斷為非虞廷雅奏。若返彼三山。分十  
六句。出自古琴操。乃晉孔衍所編。其書今亡。惟  
見於諸家類書所引。唐吳兢謂琴操紀事。好與  
本傳相違。朱子曰。琴操一書。載堯舜文武孔子

之詞尤謬。知者可一覽而悟也。是琴操之紕繆。古人早有定評。今細核其辭。首所云三山。即尚書之壺口雷首太岳。孔安國傳以為三山是也。漢書地理志。太平寰宇記。均以為地近蒲坂。故緣舜都而附會其名。其下文鋪叙五老及黃龍負圖之事。則出於論語考比。識春秋元命苞皆緯書不足為證。其語如後世侈陳符命者所為。豈堯舜授受而出此。且明云案圖觀識。識始於

秦盛於東漢。三代之書。無識字也。擊石拊韶。鳥獸蹌蹌。鳳皇來儀。乃尚書益稷篇句。凱風自南。下同衛風。其出於魏晉人偽作。不辨可明。凱風即南風。見爾雅。使舜果有此句。郭璞注雅。何以不引。而獨指衛風。且凱風南風。不應連舉。解慍阜財。何返悲喟。宋郭茂倩樂府雖引之。尚為兩章。載墳不但不知決擇。且妄以賡詩冠於南薰之首。以合於俗樂曲牌名。實為昧古義而侮聖。

言矣。若秋風章。乃調寄青天歌。雖全用漢武帝  
辭。然漢代歌辭。見於漢書樂志及諸籍者。不下  
數十章。載堦何以獨譜秋風辭。考明徐學謨識  
餘錄。稱載堦之父厚烷。以進壽表失稱臣。及創  
二仙廟育才等館。皆上僭無狀。降發高牆。且謂  
其好為詭故不情之事。欲以釣譽取名。載堦或  
因其父獲罪。不無怨懟之意。漢武求仙。嘉靖好  
道。載堦或竟寓意於此。亦未可知也。夫援古入

俗固載堉之謬。樂記云。君子於是詒。於是道古。  
載堉不知古聖人致治之道。又乏考古之識。鹵  
莽滅裂。真無知妄作之尤者。是於樂理已失。豈  
足與言正始之音哉。因載明其謬。並命以其四  
譜。如宮商三百之例。以一字一音。譜以正調。其  
載堉杜撰所為之四章。亦按其宮商。勒為一編。  
俾知音律者一覽而知其妄。庶亦復古之一端  
耳。乾隆戊申清和月。御筆鈐寶。二古稀天子。

之寶猶日孜孜

引首

御筆論申訂古鈐寶一古希天子

鑒藏寶璽凡有同春用筆在心石渠寶笈所藏

御筆讀洪範一卷

本幅蠅箋本縱一尺一寸三分橫五尺八寸  
五分行書

讀洪範 洪範一書為箕子衍神禹之言以誥  
武王者不惟姬周一代制治之源即萬世帝王  
制治之源也九疇之叙在君則係於極之建不  
建在民人則由於訓之行不行蔡沈二言盡之  
矣而余獨以為萬世帝王制治之源者何蓋君



者民之本也。譬之木乎。本正而枝自隨。故疇雖有九。無一不關於為君者之一身一心。可不慎乎。然余之所以有會心者。固在皇極之建九疇之省。而原始要終。則在乎第九之嚮用威用矣。余蒙

天篤佑。得建五福五代之堂。其說已見前記。茲以六極自省。幸而無其五。而不能去其一。所謂憂也。春憂雨之不足。夏憂雨之或過。秋憂歲之不登。

冬憂雪之未降。無不先時忖度。切切於懷。至於

古稀說之八弊。

庚子年作古稀說。數前代之弊。政有八。曰強藩。曰外患。曰權臣。

曰外戚。曰女謁。曰宦寺。曰奸臣。曰佞倖。幸皆無一彷彿者。今又聞八年。隨時省察。不敢自恃其

無。惟慮或萌其漸。未嘗不日惕於懷。時憂其或萌。合寰中之萬民。

時憂其失所。所謂先天下之憂而憂者。不可究

極。而後天下之樂而樂者。曾無幾希。是則此憂

不能去。而亦不忍去。且更不敢去也。夫季世之

君。但知其樂。而不知其憂。以致受大憂而不可

救藥者多矣。余幸於六極中免其五。而得其一。則此憂也。將拳拳守之。而惟恐其失之。或者邀  
吳貺符宿願得歸政之後。庶可免此憂乎。然更當教  
子孫以體余之憂為憂。方將萬世守之。庶幾永  
承

天眷。是則臣民或可去其憂。而為君者終無去憂之  
道。萬世為君者當共勉守此憂。庶幾不致大憂  
而保後樂。尚敬之哉。  
乾隆戊申季夏御筆鈐

寶二。古稀天子之寶。猶日孜孜。

引首

御筆。疇衷治本。鈐寶一。古希天子。

鑒藏寶璽。五福五代堂古稀天子寶。八徵耄念之  
寶。正有同春。用筆在心。學鏡千古。含英咀華。即  
事多所欣。石渠寶笈所藏。

御筆孫士毅奏報克復黎城復封黎維祁為安南  
國王詩以誌喜一卷

本幅蠟牋本縱一尺一寸五分橫八尺四寸  
五分行書

孫士毅奏報克復黎城復封黎維祁為安南國  
王詩以誌喜序有安南自丙午年內訌不靖至  
本年六月故王嗣孫黎維祁之母妻幼子並從  
人六十二名口至斗奧隘河邊叩顙救全維時

有兵衆尾追。勢甚迫急。守關者收入內地查詢。知為彼國土酋阮岳阮惠兄弟。稱兵構釁。攻破國都。維祁播越在外。其眷屬匍匐來投。經撫臣孫永清督臣孫士毅先後馳奏。予以該國世守藩封。素為恭順。且興滅繼絕。事在九經。使閉關不納。聽其篡奪。相仍置之不問。又或乘危徼利。取其土疆。如明代所以待陳氏黎氏莫氏者。何以為奉。

天字小之主。因先命妥為安置。優給餼廩。資其陪臣  
歸報。並傳檄夷衆。共起義兵。恢復黎氏。以申大  
義。續命孫士毅率提督許世亨。帶粵兵萬人。出  
關聲討。又令雲南提督烏大經。自馬白一路。帶  
兵五千。協力進攻。孫士毅於十月二十八日。自  
鎮南關啟行。所過諒山等處。夷衆歡迎感泣。直  
渡壽昌江。十一月十七日。阮衆屯市球江。我兵  
隔江排砲轟打。暗由下游二十里外飛渡。截其

後路痛加殲戮。並將先降復叛之偽高平府督  
陳名炳陣獲正法。尤為快意。十九日黎明。抵富  
良江。對岸兵衆蟻聚。詳世亨以數小船竹筏渡  
百餘人驟進。勦殺奪船二十日。乘夜渡江。五鼓  
登岸。乘阮衆駭竄。勦誅殆盡。黎城不攻自破。黎  
氏族人百姓等跪迎入城。先已降旨鑄印撰勅。  
卹致軍前。至是日。黎維祁來歸。孫士毅傳旨冊  
封為安南國王。大局已定。現仍厲兵再進。直搗



順化廣南期為黎氏窮追餘黨以淨盡根株是  
役也朕以名義所在為天下萬世立君臣之極  
且國家撫馭萬國寧有意尺寸幅員實因臣服  
有年偶遇禍變終資天朝覆冒之力俾普天率  
土仰瞻知勸懷侯柔遠理亦宜之自半載以來  
先幾籌畫申厲軍志俯察夷情馳諭指示者日  
或一再而孫士毅竟克仰承鼓衆心而嚴師律  
兩旬之間迅奏大捷深可嘉尚因封為一等謀

勇公賜寶石帽頂并封許世亨一等子。在事將  
并兵丁咸予優叙加賞。披諭之餘因成二律以

誌

吳蒼然眷佑順善成之喜。交趾安南後改名古安南

交地。漢武帝時置日南等九郡。交趾居其一。唐  
調露初。改安南都護府。始有安南之名。明永樂  
時。復改為交趾。正統初。又仍封為安南國王。嗣  
後。陳氏黎氏莫氏阮氏叛順。無常。而其國亦篡奪相  
仍。幾無寧息。至我朝順治年間。黎維祺奉表投  
誠。迄今百三十年。世守藩臣。最為恭順。不意六  
月間。有土酋阮岳阮土酋猖獗占黎城。母妻旬  
患。占據黎城之事。

旬來逃命督撫商量請發兵復彼國家未聞古

利其土地却殊明明自永樂時討平黎氏之後遂置交趾布政司分立郡縣

編置官條既率興滅繼絕之美轉貽乘危徼利之譏若此次命孫士毅整兵討叛先令檄諭該

國並不貪其尺寸及克復黎城即命受封嗣國正

大光明與前代利其土地者蓋大相逕庭矣

重封興滅昭恩義永靖瀛藩奉大清 三江飛

渡弗須舟節次據孫士毅奏於十一月十三日夜至壽昌江岸編筏過江勒殺阮眾

無算十六日至市球江阮眾拒守孫士毅轟砲列陣作欲渡之勢今總兵張朝龍帶兵於下游

二十里夜半潛渡阮眾潰散予與指示今其設遇江河應別尋上下游濟師此旨尚未到而孫

士殺乃不約而合十九日即直抵富良江岸。彼眾聚船或在江心或在對岸。猝難過渡。因急覓沿村小農船數隻。竹筏與片。乘載官兵二百餘人。於五鼓直衝彼岸。奪獲船艘三十餘隻。駛回史。番渡兵二千。過江分燒。夷眾歸巢竄不留。賈各船兵眾無一得脫者。

勇千軍胥敵愾同勞一將有嘉謀

許世亨前在金川奮勇出

力。擢至總兵。昨隨福康安平定臺灣成功。陞授提督。此次克復黎城。孫士毅因為謀勇兼全。而許世亨率兵夜渡。實屏王己幸生天。再餘黨還為同力協勞之佐。期指日內。佇待紅旗馳報喜。奇勳仍有異恩酬。

乾隆戊申嘉平御筆鈐寶二。古稀天子之寶。

猶日孜孜。

引首

御筆 紀勲伸義 鈐寶一古希天子。

鑒藏寶璽五福五代堂古稀天子寶八徵耄念之  
寶。寫心樂意寓靜觀寓意於物天地為師凡有  
同春用筆在心石渠寶笈所藏。

御臨吳琚尺牘並識 一卷

〔本幅蠟牋本縱一尺一寸一分橫五尺八寸  
一分行書 北念念附書諒只在下句可到  
遞中收十月三日手筆并詩深以為慰示喻  
已志襄州之行非所憚也不謂以常式辭免  
就降改命辭難避事何以自文不知閱古之  
意如何今必有定論矣十九日入京西界交  
割安撫司職事廿日方得改差劄子已具辭

免。且在鄂州境上伺候回降。若省劉更遲數日。則已到襄陽。鄂去襄只二百餘里。江陵亦然。歲晚客裏進退不能。勢須等候月十日方見次第。地遠往反動是許時。遠宦非便。殆此類也。旅中燈下作此言。不盡意。餘希加愛。不宣。十月廿日。琚上壽父判寺寺簿賢弟。

右臨宋吳琚尺牘。內有襄州之行。非所憚也。不謂以常式辭免。就降改命云云。按宋時授官後。

率多上表辭免。迨朝命再下。乃始就任。甚至有  
數次及十數次者。殊可鄙笑。且空缺既久。固不  
曠官乎。夫上之行政用人。下之服官陳力。胥當  
以誠意將之。庶為各盡其道。可以正朝廷而化  
民俗。彼隱居高尚者。無論已。如既受命於朝。則  
東西南北。惟君所使。安得為循例舊文。以示謙  
退而博虛譽。且一代相習成風。豈非上下相率  
為偽。其政事有不叢脞者哉。教廉興讓。固不在



是也。予是以臨御以來。於凡大小臣工。無不量材器使。隨時黜陟。以期有裨實政。即如向來京察大典。三品以上大臣。俱親加察核。而諸臣例須自陳求退。以俟上命。夫既隨時黜陟。奚待自陳。待自陳而後黜陟。則平日之曠厥官者。不知凡幾。然較之宋時。似此常式辭免。猶非盡出虛飾。而予尚停格弗行。從不肯務此等具文之舉。盖人君以至誠率下。猶難還淳返樸。况導之以

偽耶。至如宋之詞臣。行制。逞私意。而快恩讐。致  
啟門戶黨援之習。尤為牴政。如蘇軾之賢。尚不  
免此。況他人乎。我朝一切無之。實足越超前代。  
向於詩文中。屢辨之。茲偶閱琚書。重臨此本。并  
識。乾隆己酉仲春。御筆。鈐寶二。古稀天子之寶。  
猶日孜孜。

引首

御筆

理箴飾讓

鈐寶一。古希天子。

鑒藏寶璽五福五代堂古稀天子寶八徵耄念之  
寶養心殿寶樂意寓靜觀即事多所欣垂露筆  
花春雨半榻琴書落花滿地皆文章

御筆補詠安南戰圖六律一卷

〔本幅〕粉箋本縱一尺一寸三分橫二丈九尺  
行書

補詠安南戰圖六律序有 詢孫士毅安南戰事  
縷晰以陳因命畫院各為之圖補詠近體而序  
之曰安南戰圖非如伊犁回部金川臺灣之始  
以戰而終以成功也非以戰成功則可弗圖而  
圖之者實緣我將帥之臣軍旅之士涉遠冒險

攻堅破銳更有抱忠捐軀者不為之圖以紀其績則予何忍且阮惠之悔罪乞降原因有征斯亦未嘗非始終一事耳夫有征無戰尚矣戰而

有成功次之

予自定伊犁平回部勒金川以至近日戡定臺灣之役皆經指授機

要戰無不克攻無不取以成此數大功蓋戰亂

伐暴對言偃武則雖不能無戰而俱獲成功

功要皆佑順乃克臻此天心成而復變又終於不戰而成

功其事當較於戰而成功者為勝焉阮惠復至黎城黎維

初乃素其國可謂變出不意然子調福康安為

兩廣總督仍將集兵降討迨阮惠再四籲懇又

遣親姓阮光顯詣福康安虔責表求降福康安  
察其情形實出至誠然後援情入告予因思黎  
維祁不能立國既徵天心厭棄而中朝又  
不利其土地即使集兵聲討亦不過歸於降服  
而究未必即服其心則何如此之不戰而屈者  
發於中誠藏功寧衆轉為大順之機是更足以  
見予躬實為至厚耳是豈人力所謀乎

天也。親躬臨蒞五十四載受

天之祐不一而足。而於安南之事。復不戰而成功。則

予之所感激

鴻貺益深。敬畏者當何如。間嘗論之。使孫士毅收黎

城之後。即能銳師至廣南。獲阮惠乎。又如孫士毅。遵旨早班師。雖無許世亨等三將之捐軀。將未至我境。而黎城復失。其能不旋師以救之乎。又如孫士毅。亦同三武臣之捐軀沙場。則士毅乃督戎重臣。傷國體為大。不得不興師問罪。是誠佳兵無已時矣。且許世亨委曲護令孫士毅振旅而還。使已亦同歸。則更有說。乃仍捐軀疆場。其知方有勇。為常人所不能。每一道及為之。

落淚嘉尚。至孫士毅。非不知朕之獎勵功臣。賞  
延後世。設亦捐軀。則其公爵必世襲罔替。人誰  
不死。且本欲銜鋒致命。迨聽許世亨之言。以國  
事為重。寧歸而受朕之罰。而朕豈肯不諒其心。  
加以罰哉。是二臣者。其事不同。而心則同。茲事  
機之會。總戎振旅以歸。三將令藩國立祠酬忠。  
且阮惠因有此過。而畏罪求降。不勞一旅以定  
海邦。是皆



吳運旋轉。默為呵護。豈予一人思慮所能及哉。自茲以後。益深敬勤靜待。

天恩。六年歸政。夫何敢更生別念乎。此補詠安南戰圖之什所由作也。嘉觀訶訪之戰。孫士毅

出鎮南關。在諒山分兵兩路。一由枚坡。令叅將張純等至嘉觀路會齊。一由江漢。令總兵張朝龍等徑趨三異柱右等處。嘉觀屯聚多人。一聞大兵勢盛。望風驚逸。而不從亂之土官。率領土

民數百人俯伏投順自此經過嘉觀奮力勦殺  
或蹠而降或抗而殲或擒而戮追至訶訥地方

山谷峻隘適張朝龍截其去路會合夾攻勦殺

不可數計河邊求救恤諸斃安南數代以來

檀國柄阮惠藉辭伐鄭旋即佔據黎城以至嗣  
孫黎維祁出走至上年五月內嗣孫之母妻眷  
屬奔至廣西水口關外沿河地方號呼求救暹  
臣以聞予憐其恭順本朝百數十年即降旨從  
優撫卹並令督臣與師致無外王師事有征禁  
討大義所關事非得已

旅不須七萃發總戎惟帥兩疆兵初孫士毅奏  
請素有威望

重臣督率旗兵勁旅至彼征勦。予以道路寫連。揀發稽時。且該督素稱賢能。深堪倚任。提督許世亨亦才猷夙著。因即命統原駐各關隘廣西兵四千名。又添調一千名。及檄調廣東兵五千名。共足一萬之數。今總兵張朝龍尚維昇等分領前進。而第一戰。參將張紀等。即有嘉觀之捷。勦殺無數。先持危治亂。原出正簞食壺漿多順。聲聞已奪人。迎螳臂。那當大車輶。嘉觀一戰。赫先聲。三異柱右之戰。總兵張朝龍統兵三千名。內分一千五百名。令參將張統帶領從嘉觀前進。張朝龍帶一千五百名。從三異繞至柱右等處夾攻。

殲戮奪獲米糧軍械無算。生擒兵弁一百餘名。而副將慶成另帶兵三百名伏於附近。柱右之。穎繼地方生擒已降復叛之陳名炳。解赴軍營。正法。尤強人意。師行二黨叩營門。巢近一道。

逃負恩。

初孫士毅抵鎮南關。偽將諒山督潘啟德來降。其協鎮陳名炳因見機文甚為

懷懼。亦即情願歸順。孫士毅加賞給。今其回糾義勇隨兵。嗣阮黨吳初寄信哄嚇。潘啟德不

為彼誘。而名炳旋即逃回黎城。被阮惠拘其妻。子。仍加任用。柱右之戰。即名炳領兵前來抗拒。

既降復叛。情實難宥。正旅偏軍窮列寨。右抽左旋。去勦蠻。

村

見張朝龍至三異柱右交界地方正在紫營營

及張純所帶兵兩路夾攻沿獲番多米屑資飽

途村寨放火焚燒勒殺甚衆

是役雖不資安南一草一木至繫寇長纓那許

於獲彼資糧正足供軍食也

奔孫士毅更令慶成預領兵三百餘名潛赴要

路攔截生獲騎馬者三人而陳名炳即在其

內似此反覆之人不致誠喜國威延世將名勲

有逃顯戮洵稱快事

思克有元孫

慶成之高祖孫思克國初屢著勲績有此元孫可謂無忝家聲

壽昌江之戰

總兵尚維昇副將慶成等帶兵

兼程前進五鼓至壽昌江時值重霧瀰漫阮兵

猝不及防傷死不計其數餘眾拼命逃竄擠斷

浮橋我兵斫竹編筏刻即奪江而前無不餘勇

可賈三江橫亘此為脣固守羣樓最要津乘

霧定方掩牙帳渡瀘卜漏失重垠阮眾滿擬大兵由一路前

進是以設寨七剎希截官軍糧運不料大兵各路俱進無從掩蔽因退保壽昌市球富良三江以

為堅拒之計及尚維昇與慶成等連夜帶兵一十二百名兼程前進五鼓抵壽昌江岸乘霧縱

我浮橋既斷立即斫竹編筏迅刻渡江奮勇追擊阮眾所恃之險已奪其一自此遂成破竹之

勢擬之唐蘇定方乘霧襲頡利牙帳宋攻堅悉趙通計破瀘或卜漏寺險事頡覺相類



銳已奪魄。砍竹編槎可當去聲。輪將領前驅衆軍。

奮嘉其同是漢軍人。王尚維昇乃國初所封平南

同係漢軍。此番奮力均堪嘉予。市球江之戰。官兵抵市球。

江阮衆蟻聚南岸。頗有自高壓下之勢。以是連

日衝奪不能得利。孫士毅佯令義民搭蓋浮橋。

令總兵張朝龍夜半於左邊暗渡。抄出彼營之

後。喊聲震地。大兵亦由浮橋渡江夾攻。勦殺數

千生擒五百餘人。遇險應知襲後攻。諭馳未

至不期同

先是予念三江之阻。馳諭孫士毅當

游密探間道潛渡。如田豐之來。間繫河南李愬。之。夜半攻蔡城。出其不意。當能制勝。此言未到。之前。孫士毅奏市球江之捷。竟統軍素志田豐。與諭旨不期而合。可稱能事。

策勇將偏饒李愬雄臨下據高彼頗熾出奇制

勝我成功

官兵駐劄市球江北岸。地形低下。勢難仰攻。既眾見我兵不得地利。自高

壓下。屢從浮橋及所駕小舟衝突前來。我兵紮筏。緩不濟急。孫士毅與提督許世亨相商。今官

兵一面排列多礮。隔江攻打。並令義民搬運竹木。作搭蓋浮橋。欽渡之象。一面踞探左邊二十

里之外。江勢繚曲。為阮眾耳目。所不及之處。密令張朝龍帶兵二千名。於夜半用竹筏及農家



小船裏帶乾糧。陸續暗渡。復今李化龍以兵五百接應。於是官兵度已潛渡。有恃無恐。勇氣倍增。而張朝龍暗從彼營後吶喊排牆而進。阮家不知兵從何來。魂膽俱失。棄寨奔逃。大兵遂即渡江。分路追剿。此兵黎城將近。兵威鼓衆志。維家出奇制勝之道也。

楊企績崇

富良江之戰

富良江乃黎城門

戶。阮衆見官兵將至。將大小船隻收至南岸。江心施放鎗礮。我兵不能迅渡。孫士毅察看阮兵勢漸潰亂。令將弁用農家小船及竹筏。於日間勦殺江心兵衆。而於次日五鼓許。世亨率二百

餘人直至彼岸。彼於昏夜之間，不辨兵數，窘迫無措。繼而我兵搶奪數船，更番濟渡，痛加勦戮，并燒沉江心船艘十餘隻。全軍渡江，黎氏宗族及百姓人等遂開城出降，不攻而克。門戶黎

城曰富良。彼雖固壘，眾倉皇，數舟獨入，真稱壯。

既勇知方，深惜滅。官兵至富良江，許世亨覓小

徑渡彼岸，繼又搶奪船隻，更番配載官軍。其勇壯之概，洵為超眾。及阮惠復來，孫士毅尚復領兵身先衝敵。幸而許世亨力為勸阻，並令武弁控騎遙行。於是孫士毅振旅入關，不致有損國

威而許世亨仍即致命疆場。以此復國一王仍

勇。且知方之賢臣。能不倍加惋惜。

棄守立祠三將永流芳。提督許世亨。總兵張朝

國家固已從優議恤。賞延於世。並令阮惠於安

南立祠以祭。而阮惠奏請官爵封議。即於彼處

建立祠堂。垂芳奕代。此更足以酬獎忠魂矣。至

阮惠再四懇求。伏罪歸降。實出真誠。揆度事機。

忠屬合理。正當從其所請。赦過加酬。忠撫順導

恩。事以順成。不越佳兵之戒矣。

王道無事佳兵兆吉祥。阮惠遣姪阮光顯入

覲。賜宴之。圖黎維祁復國後。不能自立。一聞

阮惠復來。又即逃奔內地。

天厭其德。誠非虛語。予惟奉

天。曷敢違越。不值復興。兵衛彼復國也。嗣據福康安奏。阮惠再四籲懇。悔罪歸順。出於至誠。予亦不欲為已甚。因即允其所請。徹兵。阮惠先遣其親姪阮光顯入覲。輸悃。並稱明歲當親詣闕。廷祝釐。因以乞封。昨接表文。嘉其情詞真摯。急欲得天朝封號。為榮。遂即勅封為安南國王。茲阮光顯來至山莊。正屆萬壽節。令其一體與宴。用示

恩榮誰能不戰屈人兵。戰後畏威懷乃誠。黎  
氏可憐受。

天厭阮家應與錫朝楨。今秋已自親姪遣。明歲還稱  
躬已行。似此輸誠外邦鮮。嘉哉那忍靳恩榮。  
乾隆己酉仲秋月上澣御筆鈐寶二。古稀天子  
之寶。猶日孜孜。

引首

御筆

師貞紀貺

鈐寶一。古希天子。

鑒藏寶璽五福五代堂古稀天子寶八徵耄念之  
寶几席有餘香學鏡千古即事多所欣見天心  
垂露齊物半榻琴書中心止水靜寫生寫心寫  
意於物妙意寫清快落花滿地皆文章筆端造  
化游六藝圖筆花春雨落紙雲烟研露用筆在  
心陶冶賴詩篇執兩用中石渠寶笈所藏

御筆八徵耄念之寶記 一卷

〔本幅蠟牋本。縱一尺一寸二分。橫五尺八寸。〕  
行書。

八徵耄念之寶記 予年七十時。用杜甫句。鐫  
古稀天子之寶。而即繼之曰。猶日孜孜。不敢怠  
於政也。蒙

天眷佑。幸無大隕越於茲。又浹旬矣。思有所以副八  
旬開裳之慶。鐫為璽以殿諸御筆。蓋莫若洪範。

八徵之念。且予夙立願八十有五。滿乾隆六十年之數。即當歸政。今雖八十。逮歸政之歲。尚有六年。一日未息肩。萬民恒在懷。庶徵之八。可不念乎。念庶徵。即所以念萬民。曲禮八十曰耄老。而智衰之謂。茲逮八十。幸賴

天祐。身體康強。一日萬幾。未形智衰。不可不自勉也。如至果不能自勉。則亦不敢曠職。以待六年之期。何則。



壇

廟之祀不可不躬親。雨暘之時不可不常驗。中外之政不可不日勤。民物之養不可不心存。苟失其一。叢脞隨之。則吾豈敢。是則毫而敬念。庶幾仍古稀猶日孜孜之意也。亦五福五代堂之說。所謂皇極斂錫之志也。亦即近讀洪範著論。所謂六極中不能去其三。曰憂之義也。夫漢唐以來。古稀天子。纔得六。六之中至八旬者。纔得三。而

三帝之中。惟元世祖可稱賢。其二則子所鄙也。

三代下諸帝。登七十者。僅六。見子向所為古稀。而六帝之中。惟梁武帝。宋高宗。元世祖。年登八十。梁武帝。自貽傾覆。宋高宗。忘恥偷安。皆所素鄙。惟元世祖。乃創業大有為之君。然踐阼非早。建號僅三十五年。傳孫成宗。其諸王。世系元史。雖無表可稽。但計其世次。訖順帝。不過四傳。亦不能如今五世同堂之盛。是則子之仰荷。天眷。至為深厚。不特云稀。且自古所未有。如是而不祇承。鴻貺。愛養。黎元。則子曷敢。抑亦有所不忍也。即元世祖亦未如子之五代同堂。是子沐

昊乾鴻貺為獨深。而子之所寅承。

錫羨當何如亦曰體

天愛民誠心勤政與洪範五之斂錫八之念微九之三  
憂孜孜惕惕日進無疆云爾予之子孫能心予  
之心政予之政惕予之惕憂予之憂或得仰邀  
天眷有年至七旬八旬者繼用此寶則又我大清國  
億萬斯年無疆之庥所不敢必而深願者也是  
為記 乾隆庚戌新正御筆鈴寶二八徵耄念  
之寶自彊不息

引首

御筆 驗時申省 鈐寶一八徵耄念之寶

鑒藏寶璽天恩八旬之寶五福五代堂八徵耄念  
寶寓意於物即事多所欣此有同春用筆在心  
几席有餘香石渠寶笈所藏

御筆雲貴總督富綱奏報南掌國王遣陪臣進貢  
祝八旬大慶詩以誌事一卷

本幅蠟箋本縱一尺八分橫三尺行書

雲貴總督富綱奏報南掌國王遣陪臣進貢祝  
八旬大慶詩以誌事南掌由來古越裳十年

一貢例遵常

按大清一統志南掌古越裳氏地雍正八年奉表入貢後五年一貢

乾隆七年念其道遠定為十年一貢嗣是恆遵  
朝典依期遣使茲據富綱奏南掌國王召溫稱  
遣陪臣以整煥等貢表貢象並稱貢則本在來  
年因今歲欣聞大皇帝八旬聖壽敬於職貢之

外。方具蒲葉表文一道。于象二隻。以中祝。悃等語。因先將表文譯出。馳奏。乃知八月

八旬慶虔祝九如九頌章。南掌表文有云。欣聞

旬萬壽。慶洽普天。歡騰中外。小臣遠居南徼。未

獲親赴闕廷。沉首十叩。謹具表文。象隻。遣使叩

祝。伏願常調玉燭。萬載清寧。使小臣得永荷深澤。曷勝頌禱。云云。情辭極為恭懇。所遇

何脩  
既有獨勅。幾撫萬敬無遑。昌黎歌。搢思深義。益凜孰

治平與孰荒。按韓昌黎越棠操曰。我何意於

彼為言。無意求遠也。又曰。孰荒於門。孰治於田。

言當勤內治也。所以頌先周訓後世。其意深遠矣。昔曾選之唐宋詩醇。嘉其措辭簡而當。茲南掌即古越裳。於雍正八年始入貢。蓋即韓愈所云。

厥臨孔威者耶。至於不享其贄。不臣其人。雖閭閻防禦之意乎。然以今時勢論之。殊方畢來。誠以祝釐却之不受。豈不寒遠人之心。嗇中國之氣。既非招致。厚往薄來可也。予昔評韓操意有所未

盡故並識於此。乾隆庚戌清和御筆鈐寶二  
八徵耄念之寶。自彊不息。

引首

御筆。義申永遠。鈐寶一。八徵耄念之寶。  
鑒藏寶璽。石渠寶笈所藏。



御筆四得論一卷

本幅蠟箋本。縱一尺二寸。橫五尺八寸。行書。  
四得論。昨自避暑山莊迴至御園之作。有慙  
媿德無稱四得之句。蓋引而未發。茲乃叙而論  
之。天子思引孔子之言。以為位祿名壽胥因  
德而得之。則知有德而得之者為實。無德而得  
之者為虛。若子無其實而得其虛。其慙媿可勝  
言哉。蓋予之位。

天地之所命

祖宗之所授。無是二者。予因何而得之。亦惟栗栗危懼。慮鰥厥官。遑敢自詡其得以傲物哉。至於祿則九寓所同仰。萬民所共奉。豈啻十目十手之視指哉。豪釐之失。謬以千里。威福玉食。一涉私欲之作。必致越其始而隕厥終。能常保其得乎。若夫名為實之賓。實則賓之主也。居九重之上。臨百辟之尊。孰不以虛言譽之。即今八旬大慶。

之獻詞頌者。不可僂指數。則此名也。亶其實乎。  
雖文治武功。微有實蹟之可稱。然無一不由兢  
兢業業中所出。且恐其始而失其終。得將不  
保。敢自怡乎。茲逮八旬。不可不謂之壽。然此壽  
乃

天地默佑。

祖宗延禧。予一人幸逢其會。敢強顏以為有所致哉。  
且予五十五年之間。無一日因微疾而不理事。

者求仙素所鄙。即醫理竝不識。亦惟慎起居。節飲食。以為養生之常道耳。則又有何術之可得。凡此四者。皆予所得。而實皆非德之所致也。非德之所致。則所謂有其名而無其實。忸怩之不暇。又何能巍然自居而不疑。方將慎半九十之懼。孜孜矻矻。以待五年之歸政。可稱全人。則惟敬待。

天恩而不敢或必者耳。著論自警。並以示羣臣之獻。

詞頌者 乾隆庚戌仲秋月上澣御筆鈐寶二  
八徵耄念之寶自彊不息

引首

御筆 承釐誌惕 鈐寶一八徵耄念之寶

鑒藏寶璽五福五代堂古稀天子寶八徵耄念之  
寶寓意於物用筆在心已有同春筆花春雨吟  
詠春風裏即事多所欣石渠寶笈所藏

御筆四得續論 一卷

本幅蠟箋本。縱一尺一寸五分。橫五尺八寸。  
行書。

四得續論。近作四得之論。非自謙也。蓋紀身  
之鮮實德。與己之所實見耳。然尚有未盡意者。  
前論切乎已。續論公天下。抑亦有所獨重者耳。  
蓋中庸第十七章。子曰。至子孫保之而止。所  
以戒為天子者。保其位而已。此皆夫子之言。其

下四得之繹。意謂子思之語。非夫子之語也。以  
位言之。易曰。君子思不出其位。則君子之位也。  
又曰。聖人之大寶曰位。則聖人之位也。豈必曰  
天子之位乎。堯舜禹有天子之德。可謂得天子  
之位。其餘皆不可謂得天子之位。孔夫子有聖  
人之德。可謂得聖人之位。其餘皆不可謂得聖  
人之位也。孟子所云。故益伊尹周公不有天下。  
其心未嘗不羨天子之位。雖欲其行道之意耶。

然非至言也。蓋益得益之位。伊尹得伊尹之位。周公得周公之位。非不得也。若孔子必無是語。而朱子注子思此章。直以為必受命為天子。是亦孟子之遺意耳。子以為後世之亂臣賊子。未必非此言有以啟之。然此言非子言之。他人不敢言也。且自古至今。無一代無天子。是皆得其位者乎。子不敢以得位自居。實因德不勝而滋懼耳。至於祿則自天子以至百辟卿士。皆食祿。



者也。盡其職乃可謂之得。鰥厥官不可謂之得。而其本均不出於修德也。王禹偁待漏院之記。微見其端矣。若夫名乃實之賓。實者德之謂也。無其實而有其名。不滋媿乎。三代以下。惟恐不好名。予謂此語亦未臻。而清流掇室中之戈者。非因名有以害之乎。壽則秉來之氣數。所不可強。盜竅壽而顏淵夭。盜蹠果得壽乎。顏淵果不得壽乎。古來盡節以終者。謂之不能得保其壽。

可乎。茲故申而論之。以戒後世之不務修其德。而徒慕四得以反致敗其德。且以靖天下後世之託聖賢之書。以妄興其欲有所得之位之心。有位與無位之人。可不深思所以自處哉。乾隆庚戌中秋日。御筆鈐寶二。八徵耄念之寶。自強不息。

後幅

御識

作是論時引用繫辭聖人之大寶曰位。蓋亦斷章取義耳。予之意。則以天子有天子之位。聖人有聖人之位。分而言之。然亦非始予意也。蓋中庸上節孔子之言。德為聖人。尊為天子。已區而二之矣。既而思之。繫辭本文下。即繼以何以守位。曰仁。何以聚人。曰財。理財正辭。禁民為非。曰義。是則天子之事也。似繫辭所指聖人。即天子也。然按諸經。從無尊當時天子為聖人。如後代

所稱聖君聖主聖上者。大禹謨乃聖。乃神。為益。  
對舜稱堯之詞。微子之命克齊聖廣淵。為成王。  
對微子稱湯之詞。皆非稱當時天子也。三代上。  
君臣之際。情親而語質。無取乎頌語。惟莊子華。  
封人祝堯。使聖人壽。使聖人富。使聖人多男子。  
為當時語。堯固聖人也。是則稱天子為聖人。起。  
於周秦之間。亦如朕之字。專為天子自稱。乃昉。  
自秦也。十翼為孔子作。不應繫辭有是語。且上。

繫第十一章。莫大乎富貴。莫大乎聖人。又分著  
矣。歐陽修以擇之不精。繁衍叢壯。近於戰國後  
語。疑十翼為雜取後世講師之說。非孔子所作。  
亦不為無見。論成偶思及此。并按於後。御筆  
鈐寶二。八徵耄念之寶。自彊不息。

引首

御筆。義申篤祐。鈐寶一。八徵耄念之寶。

鑒藏寶璽。五福五代堂古稀天子寶。八徵耄念之

寶吟詠春風裏。即事多所欣。寓意於物。用筆在心。見天心。筆花春雨。學鏡千古。含味經籍。讀書依竹靜石渠。寶笈所藏。

御筆書蘇東坡書傳堯典語一卷

本幅蠟箋本。縱一尺一寸四分。橫二尺九寸。  
行書。

書蘇東坡書傳堯典語。昨齋居事簡。偶觀蘇  
東坡書傳。見其注堯咨岳事。時年八十六。爽然  
若有所同。肅然若有所幸。夫子以乾隆滿六十  
年。再丙辰之歸政。爾時年幼。實未計及年當八  
十六歲也。其間別有委曲。當於歸政明詔詳論。

之。茲且弗言。而欲言者。朕觀天下臣民。以及外國。藩王。胥有殷然眷戀。弗欲朕歸政之意。茲有帝堯之事。以為證。曷勝欣幸。夫堯。朕之師也。所當效法。而尚恐有所弗能。爾諸人其尚何辭。

康塗井浚語齊東著論不期丙午同

焚康塗井  
丙午著

論折之以理。以為必無其事。不惟帝妻以二女。後稷與象弗能使之完。康塗井即果有其事。辭之大孝。必有以廢此。斷不至如申生之順命。而陷父於不慈。是萬章之問。亦當以齊東野人之語折之。而不必費辭。詳見丙午所作書孟子對萬章焚康塗井事文。茲聞東坡書傳言舜能以



孝和諧父母昆弟。使進於德。不及於亂。而孟子太史公皆言象日以殺舜為事。塗廩浚井。性脫於死。至於室其二嫂。其為極姦也甚矣。云云。咨且亦直斷為齊東野人之語。所見正與予同。

岳時年八十六。法先三載授其終。按堯欲巽

位。時年八十六。其後觀刑考績。又三年而舜乃

陟位。受終於文祖。受終之云。向已具論。見今歲經定大

禹謨允執厥中御論在舜為受。在堯則為授也。塗廩浚井

之事。亦不約而同。東坡故並及之。且亦舜之所始也。乾隆辛亥仲夏。御筆鈐寶。二八徵耄念之。

寶自彊不息。

引首

御筆協紀訂謠 鈐寶一八徵耄念之寶

鑒藏寶璽石渠寶笈所藏

御筆圭瑁說一卷

本幅蠟箋本。縱一尺一寸。橫九尺六寸五分。  
行書。

圭瑁說。圭之名。見於夏書之禹錫。瑁之名。見於周書之王受。權輿於此。而虞書之輯五瑞。並未明言其圭之名。各別及其短長。與瑁底之邪圓也。注疏之家多耳食口傳。愈晰愈不明。曰近曰更遠。予近為石刻十三經序。以為以注疏解。

經不如以經解經者以此也。夫虞至周周至漢  
率數千百年。其唐宋更無論矣。後人據圖作圭。  
自鄭康成遂於禮學。始圖三禮。厥後阮譔。夏侯  
伏明。張鎰。梁正。楊傑。俱有三禮圖。至宋初尚有  
存者。鼻崇義採諸家之說為三禮圖。現入四庫  
全書。今玉圭流傳於世者甚多。宋制者皆在鼻  
崇義之後。即漢器亦不過國鄭圖。已屬贗鼎而  
而仿成之。非必係三代時古物也。  
謂則雖有圖。三禮圖。六經圖。玉海中俱有。玉圭作四式。近馬賾作解史。其瑞玉  
國則依孔安國書傳邪刻之說作四式。說禮家  
已屬參差。俱不過臆為之。即偽據圖作謂。亦未  
見其並偽作其器者亦無也。今據其可考者言  
器也。

之鄭康成云

鄭康成周禮注名玉曰瑁者言德能覆蓋天下也蓋瑁古字作目易

繫辭曰天下之道書君與不冒海隅出日詩此風下土是冒皆取覆冒之義雖不言其制而其理為近向所纂三禮義名玉曰瑁者言德能覆疏中正義條曾引其說

天下此猶近理而賈公彥曰見則覆之以齊瑞

信

賈公彥周禮考工記玉人疏古者圭必有冒言不敢專達

覆之又言冒所以冒諸侯圭以齊瑞信方四寸邪刻之云云前說出尚書大傳後說出孔安國

書傳向定周官義疏存疑條下載此亦因其馬說持之者多故未之寢其實未足為據也

端臨遂增之曰有不同者即辨其偽

馬端臨文獻通考王

禮門引舜典下注云。諸侯來朝天子。以刺處冒其圭首。有不同者。即辨其偽。乃沿孔。自達尚書

文。疏之。夫諸侯既受圭於天子。焉能有偽。更訛其

傳。以為有過者。留之三年六年九年之說。此不

過竊孟子一不朝則貶其爵云云之語。尚書大

者。天子所與諸侯為瑞也。無過行者。得復其圭。以歸其國。有過行者。留其圭。能改過者。復其圭。

三年圭不復。則少。然以辨。六年圭不復。少。然以

也。九年圭不復。而地卑云云。端臨案括其說。人

引程大昌演繁露。辨與謂輯五瑞。即此執圭而朝者。輯者。欽而上乎天子也。又謂班瑞於羣后。即此復與其圭以歸者也。第有過留之三年。六年九年者。不過見所出。予意所謂留之三年六年九年者。不過

刺孟子緒餘而端臨以為大傳夫不朝是其罪此言極有理乃寡識之尤者

也留圭而不許來朝復以六年三年為別其間

有何罪乎真成謾語矣又王摯大圭祭天其圭

長三尺周禮典瑞王摯大圭執鎮圭練藉五采五就以朝日宋陸佃曰王執鎮圭以祀

天以朝日以饗先王王十朋周禮詳說明王應

電周禮傳並於朝日之下注云言朝日則郊天

可知按考工記大圭長三尺杼上終葵首天子

服之鄭康成注王所摯大圭也惟既曰摯又曰

執未知一時並用與否宋林希逸考工記詳曰

摯一而人執一非尊者所宜云云則古人亦計

及摯圭之夫玉至三尺重物也古之帶最寬鬆

未便矣

不似今時帶之繫束。搢重物於腰間。必至落地。反不成敬。且天子祇雙手。既搢大圭。又執鎮圭。以祭。其於獻奠之際。將何以行禮。權付旁人持之。更非所以式威儀也。圭之說既明。則瑁之形之制。可想而知。不過寓義覆冒天下而已。然總以德為要。德不能冒。無其器實可。有其器適足增愧。瑁之形制。既不可考。以冒圭首。拜許偽其說。更不可信。至取義於以德覆冒天下。則古聖人之精意。不在乎制器。而在乎慎德。若有其德。即不執瑁亦可。若無其德。雖目執四寸之



玉對之適足更有因圭首有邪有圓之殊而圖增慚而已

其形者

諸國瑁下圓刻邪刻之不同總惑於以冒圭首之說公侯伯之圭有瑁以辨其

偽而子男之璧即無庸辨其偽乎且三等之圭共此一瑁雖有詐偽焉從而辨而璧徑五寸輪

郭正圓又安能以四寸之瑁冒之況舜典有輯瑞而無執瑁之文周禮春官典瑞亦不言瑁考

工記玉人所載鎮圭以下十餘器與典瑞相合而獨惟言瑁之書後出亦殊不允信總之數千

載之下必欲錄制制度數千載遂有瑁底圓缺以上之物念改輾轉杳鑿而已

邪缺之異實為入海真沙將何適從不值一嘆

矣暇著是說以杜千古之費口 乾隆壬子新

正月之中漸御筆鈐寶二八徵耄念之寶自彊  
不息。

引首

御筆 致圖訂古 鈐寶一八徵耄念之寶

鑒藏寶璽五福五代堂古稀天子寶八徵耄念之  
寶寫心半榻琴書墨雲菡畬經訓垂露即事多  
所欣寓意於物化工四氣為全施此有同春清  
吟寄遐思石渠寶笈所藏

御筆摺圭說一卷

〔本幅蠟箋本。縱一尺一寸。橫一丈一尺四寸五分。行書。〕

摺圭說 圭瑁之說既明。則摺圭之說應繼。蓋摺者。插也。以大圭之重。插於寬衣博帶之間。必致落地。前說已詳。茲復閱考工記。又有中必之說。鄭康成以為約其中央。乃傳會以繩繫之。不令墮地之義耳。即使約之腰間。亦礙所謂周旋。

中禮之度也。因命翰臣博稽唐宋以來之制。則自唐至明。五代禮儀志皆有摭大圭執鎮圭之

文。

五代之制。因列於後。以備考攷。

夫唐宋明漢人也。襲其漢儀。

且不必論。至於金。則我滿洲何必襲其謬。且尚偏安。亦覺僭矣。元實蒙古。將以其一統中華。而謬為襲漢之舉耶。然予總以為其事涉虛誣。未必實有也。何言之。夫名以物徵。物以實証。唐宋金元遠矣。明則本朝所繼統者。郊祀重器不藏。

於內府則藏於太常猶憶乾隆初間曾命太常  
查舊庫物得蒼壁四黃琮一命貯之乾清宮至  
今存無所謂大圭鎮圭也遍查內庫亦無此二  
器然則明時皇帝所播之執之者為何物耶以  
為流賊之亂被擄掠失之乎夫流賊賊也所重  
者金銀圭璧不值其擄掠且太常寺庫之舊壁  
琮具在而獨無大圭鎮圭亦其一証即果失之  
其器必在人間國朝百五十年太平天下其器

早出世市。當有人售之。以為貢獻之物矣。則知唐宋以來之禮志。率出虛文。無實事耳。然予之意。更有所切要於此事者。不可不明言也。唐宋明無論矣。金元乃亦襲漢之謬。且未必實有其事。則何為耶。惟本朝獨無此事。後世迂儒。必有議本朝之荒畧者。試讀此文。則知攝圭執圭之合禮與不合禮。祀

天之在敬德與不在大圭及鎮圭矣。且大圭長至三

尺。

出周禮冬官考工記玉人

不易得也。今臣和聞乃易得唐

宋金元明何以得之。若謂必擇大圭執鎮圭以申祀然後中禮獲

宥則本朝無是禮而

四朝繩繼九寓又安。擴宇拓疆中外臣服蒙

天貺為獨厚遠勝彼五代。

謂唐宋金元明

斯亦薄海所共知

也是知總在敬德而不在器名不正則言不順亦夫子之志也。予之子孫其尚思所以務實哉。

周禮考工記天子圭中必鄭康成讀必為緹

謂以組約其中央

按此祇言有組而不詳指法

唐開元禮

祀昊天上帝皇帝至中壝門搢大圭執鎮圭升壇搢鎮圭禮畢出中壝門殿中監受鎮圭入圭

按唐書輿服志亦不詳指法用緹之制

宋政和五禮祀昊天

上帝皇帝至中壝門外執大圭盥手搢大圭盥畢執大圭升壇搢大圭執鎮圭至神位奠鎮圭執大圭俛伏興又搢大圭詣太祖神位執大圭



宋史輿服志。仿大圭。中必之製。製約圭。纁藉。搢之。紳帶之間。政和二年。官者譚鎮獻。古元圭。長八二寸。中一小好。可容指。為受組之地。按此亦有

好穿組。搢之紳帶之間。

大金集禮。祀昊天上帝。皇帝至

中壇門。執大圭。盥手。搢大圭。盥訖。執大圭。至壇上。搢大圭。執鎮圭。至座。跪奠鎮圭。訖。執大圭。進玉幣。搢大圭。奠訖。執大圭。還次。釋大圭。又進饌。搢大圭者四。

按此不言搢法。

元史祭祀志。祀昊天上

帝皇帝至西壇門外執大圭就小次釋圭出次  
執大圭盥手搢大圭盥訖執大圭至壇上搢大  
圭執鎮圭至神位奠鎮圭奠訖執大圭還次釋  
大圭又進饌搢大圭者四

按此亦不言搢法

明史禮

志郊祀皇帝搢圭者六一盥手二上香奠玉帛  
三奠俎四滌爵五上香奠爵六飲福受胙興  
服志玉圭長一尺二寸刻其上刻山四以象四  
鎮之山以黃綺約其下以囊緇之

按此無大圭之文其

用書 楷主 乾隆壬子新正月之中澣御筆鈐寶二  
八徵耄念之寶。自彊不息。

引首

御筆 慎德社誥 鈐寶一 八徵耄念之寶。

鑒藏寶璽 五福五代堂古稀天子寶 八徵耄念之  
寶。垂露朝日輝。研露人情為田。寓意於物。即事  
多所欣。見天心筆花春雨。凡有同春。化工四氣  
為全施。寫心墨雲石渠寶笈所藏。

御筆復古說 一卷

本幅蠟箋本。縱一尺一寸二分。橫五尺七寸八分。行書。

復古說 予近作圭瑁及搢圭之說。亦既申論。史家謬傳之不足信。與古之不易復矣。然圭瑁。不過禮器之一端。無闢國之大政。與禮之要義也。禮之一端。不易復古。無所綦繫。若夫大政要義。益闢天理民生之正道。實不可復古者。今雖

無思復古之人。恐後之迂而泥古。陷於耳食口  
傳之弊。尚有思復之說。故為是論以明之。夫  
所謂國之大政者。井田封建及公尸之說是也。  
井田之說。董仲舒已知其難。封建之說。柳宗元  
論之最悉。且自秦漢至今。卒無行者。其或行之  
無不立敗。見漢書茲不贅論。若夫公尸之說。最為  
失義。非正道。自周末已不行。徒以其類於孝。竟  
無人敢議及。而朱子方以為氣與質合。散者復

聚乃為教之至。彼明理之人也。亦為是謀論。問  
彼曾行之乎否乎。況以己之子為父尸而拜之。  
斯為顛倒異倫之甚。與兒戲何異。且其子為三  
四歲無知識者耶。著以衣冠而坐之位。彼且哭  
泣跳仆。不成儀矣。為七八歲畧有知識者耶。善  
性者必不自安。惡性者將嬉戲恣食。或以其父  
為宜拜已者。有之。將不用其子乎。則其弟其姪  
非其父之子之孫乎。設以遠族叔伯之子孫用。

之則益遠矣。與氣脉相屬。有何關涉。然此尚以  
一家言之。若夫宗廟昭穆之序。不止一人。將何  
以行之。止為一室立尸乎。抑各室皆為之立尸  
乎。扞格不通。有所必然。而大小雅公尸皇尸。竟  
公然以為宗廟大典。不誠可笑乎。夫此猶託於  
氣脉相關之說。而曲禮蓋已知其不可行。遂曲  
為卜筮之說。曲禮為人子者。祭祀不為尸。鄭康  
成注。尸者。尊者之處。為其失子道  
則尸。卜筮無父者。孔穎達疏。尸代尊者。人子不  
為也。是曲禮亦知其不可行。而鄭康成乃曲為

卜筮無父之說。率皆遷就。況古率正理耳。至白  
大族人多。尚可。小族人少。將何以行之。

虎通竟云。周公祭太山。用召公。石渠論謂周公  
祭天。用太公。此誠謏語。不已。棄瀆神明。而誣周  
公。大失禮乎。孔子曰。祭如在。祭神如神在。不  
曾言尸也。夫此棄瀆大失禮之事。而以訛傳訛。  
會辨論不已。載之經史。傳之千古。而總無實據。  
乃後人無敢言其非者。豈不以其謬託隣於孝  
乎。孝詎可以偽為哉。漢之賈董。唐之韓柳。宋之



歐蘇皆明理之人。善於論古。而皆未言及此。余  
而不言。實自慙為不讀書不明理矣。遂不顧橫  
去。議叙而論之。乾隆壬子仲春。御筆鈐寶二  
八徵耄念之寶。自強不息。

引首

御筆 理祛襲謬 鈐寶一 八徵耄念之寶

鑒藏寶璽 五福五代堂古稀天子寶 八徵耄念之  
寶。見天心。人情為田。垂露朝日輝。凡有同春用。

筆在心。墨。雲。半榻琴書。石渠寶笈所藏。

御筆像設說一卷

本幅蠟牋本。縱一尺一寸一分。橫五尺八寸

五分行書。

像設說。公尸之非禮既明。則像設可以申其

說焉。至詩稱公尸嘉告。鄭箋一以為公尸以善

言告之。是謂言出於公尸矣。詩大雅既醉篇。公尸嘉告。鄭箋。公尸

以善言告之。是通篇皆當為公尸之言。公尸以少者為之。則其言不能自為。設教之言。豈不成

事。一以為公尸嘉告。謂假辭也。似又出於祝史。

孔穎達疏云。尸告主人。唯報辭耳。故知公尸嘉告為報辭也。此即楚茨詩工祝致告。鄭箋所謂以神意告主人。使受報之說也。然既明尸之非二語。皆出於鄭。已自相矛盾。禮則其嘉告乃緒餘。可以弗論。茲特論像設之義云。像設之義。余以為賢於公尸。何言之。蓋像者。金木土皆可為之。金木土則無知者也。公尸者。以人為之。人則有知者也。以有知肖有知。彼亦一知也。此亦一知也。如水之與火。其能合一乎。以無知肖有知。則其所祭有知之靈。或附

於無知之像設而享其祭尚可謂之求於恍惚

思慕。後聞愜見耳。然總不如神板書位之為得

正。相傳像設之說謂始於離騷。

楚辭章句宋玉招魂云像設君

室。王逸注為君此不然也。孔子觀明堂見堯舜

與桀紂之象。或謂出於家語之傳會。越句踐以

金鑄范蠡則實出於宋玉之前也。

自離騷有像設君室之文。

後人遂謂設像始於戰國時。其言未足為據。家語曰。孔子觀於明堂。視四門墻有堯舜之容。桀紂之象。此與后稷廟堂三緘之金人相類。為昭諸儒謂家語一書乃王肅傳會而成。固難盡信。

然吳越春秋紀越王使良工鑄金象范蠡之形  
國語亦云越王命以良金寫蠡之狀而朝禮之  
是為確鑿可據則設像春秋諸家入主出奴各  
時已有之。不始於戰國也。是其是之說祇可以理度之。而不可以奇信之。  
若夫國學

孔子之神位書板自合

聖人之正道而

闕里之塑像亦所謂有其舉之不可廢。孔子設像始自漢文

翁石室。唐開元後乃有塑像。雖不如開元釋奠禮臨時設位之得正。然朱子答錢子言白虎洞

塑像書。但辨席地趺跪。亦不言塑像之非。今國  
學孔子位設神牌。而闕坐之有塑像。亦惟  
有舉不然。亦頗合吾所謂以無知肖有知之義。  
廢云爾。或致

憑依受享乎。是為說。乾隆士子仲春月下。漸御  
筆。鈐寶二。八徵耄念之寶。自彊不息。

引首

御筆。義隣如在。鈐寶一。八徵耄念之寶。

鑒藏寶璽。五福五代堂古稀天子寶。八徵耄念之

寶。凡有同春。半榻琴書。學鏡千古。天地為師。石渠寶笈所藏。



御筆卜筮說一卷

本幅蠟箋本縱一尺一寸一分橫六尺四寸  
四分行書

卜筮說 圭瑁封建井田以及公尸像設之說  
既陳則卜筮亦有類於是者不可不申其義而  
為之說 夫以上六事余可以直指其非理不  
可行而卜筮則古聖人所以幽贊尚占開物成  
務之為奚敢輕措之辭然而古今異宜能行與

不能行。亦不可以不辨。何則。今之時。非古之時。  
今之人。非古之人也。洪範曰。擇建立卜筮人。乃  
命卜筮。蓋古時必有習卜筮者。讀其書。通其法。  
今其書其法何在。而讀而通之者。又何在。且讀  
之通之之中。尚當擇而建立之。其亦難矣。夫所  
謂擇者。必擇其明通公溥。無適無莫之人。使其  
卜以靈龜。筮以神蓍。然後能通天地。愜鬼神。定  
吉凶。居今之世。能得向之所謂乎。如漢之京房。

唐之李淳風宋之邵雍明之劉基或類其人矣

而問聲世一出且無靈龜與神蓍安可以卜筮

况三人占則從二人之言是其間已有疑焉以

有疑定問疑謂問所疑之事也原無一準故余不敢云

古聖人卜筮之說為無而實謂今之無卜筮之

人與其器謂靈龜神蓍則亦可無卜筮之事也且舜

之命禹曰卜不習吉可知古之時已有不用者

矣至於盤庚之卜稽大誥之卜陳所謂世治聽

人。世亂聽神神道設教以安衆志耳。豈如大舜  
之志先定而詢僉同哉。且國家大事動資卜筮  
以定吉凶。則言吉凶者紛至。將何適從。豈不同  
待議論定而敵兵早過河乎。

即如去歲廓爾喀  
賊匪侵擾至後藏

札什倫布有濟仲喇嘛羅卜藏丹巴者。于吉祥  
大母前占卜。妄稱不可與賊打仗。以致衆心搖  
惑。并將派出征禦賊匪之各喇嘛番衆全行撤散。  
於是賊匪毫無畏忌。遂至廟中搶掠金銀供器。  
及塔上銀藏松石珊瑚等物。因今鄂輝查明後。  
即將羅卜藏丹巴剝去正法。既令衆番知予保  
護黃教。若遇教中敗類亦必明正典刑。不似元  
季之過於崇奉。導成虐政。亦以示占卜一道適

足感龍象心不  
可不如懲戒耳

茲故明言卜筮不能行於今而

以太彗不習吉之言為準然彗宜無所本哉渚  
哲文明溫恭允塞具此德則通天地恆神明動  
罔不吉又何卜筮之足藉乎近作數篇似有

意與古論異然胥非新奇可喜之言而皆平易  
據理之論聊附書之以待後世通儒之究正耳  
乾隆士子仲春月之下泮御筆鈐寶二八徵  
老念之寶自彊不息

引首

御筆 術存昔尚 鈐寶一八徵耄念之寶

鑒藏寶璽五福五代堂古稀天子寶八徵耄念之  
寶用筆在心人情為田寓意於物朝日輝見天  
心研露墨雲半榻琴書石渠寶笈所藏

御筆晉唐典則 四冊

本幅金粟牋本四冊每冊十二幅縱五寸一分橫五寸三分

臨晉唐人帖

第一冊鍾繇楷書四帖

臣繇言力

命之用。以無所立。帷幄之謀。而又愚耄。天下已定。唯有江東。當少留思。聖恩垂矜。待以殊禮。遣侍中王粲杜襲就問臣。深山窮谷。爭獻米豆。道路不絕。彼師喪膽。我衆作氣。身為

廉吏衣食不充。唯願策其舊勲。矜其老困。  
戎輅艱難。臣以扈從遠違。即日長史還陳大  
將軍徐晃。運田單之奇。厲憤怒之衆。截斬凶  
頑。傳方反覆。胡脩背恩。天道禍淫。不終厥命。  
上表以聞。墓田丙舍。欲使一孫於城西。一  
孫於都尉府。楊羲楷書一帖。上有黃庭下  
闕。元後有幽闕前命。門噓吸廬外。入丹西審  
能行之。可長存。黃庭中人衣朱衣。闕門牡籥。



蓋兩扉幽闕俠之高懸。懸丹田之中精氣微。  
玉池清水上生肥。靈根堅固志不衰。中池有  
士服赤朱。橫下三寸神所居。中外相距重閉  
之。神廬之中務脩治。元雍氣管受精符。急固  
子精以自持。宅中有士常衣絳。子能見之可  
不病。橫理長尺約其上。子能守之可無恙。呼  
喻廬間以自償。保守完堅身受慶。方寸之中  
謹蓋藏。精神還歸老復壯。俠以幽闕流下竟。

養子玉樹。令可杖。至道不煩。不旁迂。靈臺通  
天。臨中野。方寸之中。至闕下。玉房之中。神門  
戶。既是公子教我者。明堂四達。法海員。真人  
子丹當我前。王羲之草書二帖。省別具足。  
下小大問為慰。多分張。念足下懸情武昌。諸  
子亦多遠宦。足下兼懷。并數問。不老婦。頃疾  
篤。救命恒憂慮。餘粗平安。知足下情至。旦  
夕都邑。動靜清和。想足下使還。具時州將。桓

公告慰情。企足下。數使命也。謝無爽。外任數  
書問。無他。仁祖日往。言尋悲酸。如何可言。義  
之頓首。第二冊。王羲之草書五帖。足下時  
事少。可數來。主人相尋。下官吏不東西。未委  
若為言。垂足下不返。重遣信往。問願知心素  
得書。知足下故羸疾。而觸暑遠涉。憂不可  
言。吾故羸乏不具。王羲之。僕近脩小園子。  
殊佳致。菓雜藥深可致懷也。吾前東粗云。

作佳觀。吾為逸民之懷久矣。足下何以方復  
及此。似夢中語耶。無緣言而為歎。書何能悉  
得。都下九日書。見桓公當陽去月九日書。  
久當至洛。但運遲可憂耳。得仁祖廿六日問。  
疾更委篤。深可憂。當今人物眇然。而艱疾若  
此。令人短氣。王獻之行草書三帖。鄱陽書  
停諸舍。便有月未具。散騎書。知情至。草草未  
發遣。奉去月問。承婦等復不能差。深憂慮耳。

獻之白。不審疾得損未。極憂及更能出入。  
未。前書云。至於散情。痠疾苦療得所。深喜慰。  
想必為問。敬和晚際。似差耶。獻之。極熱敬。  
惟府君此月內得書。來時幾同得。希此消息。  
極悶悶。君中復如何。想膿不能潰。意甚無賴。  
君有好藥。必時復。與府中多少。極濟事耶。  
第三冊。褚遂良行書二帖。家姪至。承法師道。  
體安居。深以為慰耳。復聞久棄塵滓。與彌勒。

同龕一食清齋。六時禪誦。得果以來。將無退  
轉也。奉別儵爾。踰卅載。即日遂良鬚鬢盡白。  
兼復近歲之間。嬰茲草土。鷦雀之志。觸緒生  
悲。且以即日蒙恩。駟使。盡生報國塗路。近止。  
無由束帶。西眺於邑。悲因更深。因姪還州。慘  
塞不次。孤子褚遂良頓首和南。昔之三河  
徙殖。九畹移根。開花建始之殿。落實睢陽之  
園。聲含嶰谷。曲抱雲門。將鵷集鳳。比翼巢鴛。

臨風亭而唳鶴。對月峽而吟猿。乃有拳曲擁  
腫。盤坳反覆。熊彪顧眄。魚龍起伏。節豎山連。  
文橫水蹙。匠石驚視。公輸眩目。雕鏤始就。剗  
剗。仍加平鱗。鏟甲。落角摧牙。重重碎錦。片片  
真花。紛披草樹。散亂烟霞。若夫松子古度。平  
仲君遷。森梢百頃。槎枿千年。秦則大夫受職。  
漢則將軍坐馬。莫不苔埋菌壓。鳥剝蟲穿。低  
垂於霜露。撼頓於風烟。東海有白木之廟。西

河有枯桑之社。北陸以楊葉為關。南陵以梅  
根作治。小山則藪桂留人。扶風則長松繫馬。  
豈獨城臨細柳之上。塞落桃林之下。第四

冊顏真卿行楷五帖。拙於生事。舉家食粥。來  
已數月。今又罄竭。祇益憂煎。惠及少米。實濟  
艱勤。故令陳告也。右顏魯公借米帖。陰  
寒不審。太保所苦已損。為慰病妻服藥。須少  
鹿脯。有新好者。惠及數片。文殊贊猶未獲。望



於文書細檢也。右顏魯公鹿脯帖。蓋太  
上有立德。其次有立功。是之謂不朽。抑又聞  
之。端揆者。百寮之師長。諸侯王者人臣之極  
地。豈不以才為世出。功冠一時。真鄉。開府  
垂明於宋室。澤州考績於國朝。道素相承。世  
傳儒雅尚矣。夫其果行脩潔。斯文彰蔚。鄂不  
照乎移華。龍驤驤乎雲路。公山正禮。策高足  
於前。沖與太真。嗣家聲於後。昔余作郡平原。

拒胡羯而請與從事。掌銓吏部第甲乙而超  
升等夷。江月弦魄。秦淮頂潮。君行句溪。正及  
春水。勗哉之子。道在何居。魯郡公顏真卿叙  
立德踐行。當四科之首。懿文碩學。為百氏  
之宗。忠謹罄於臣節。貞規存乎士範。述職中  
外。服勞社稷。靜專由其直方。動用謂之懸解。  
山公啓事。清彼品流。叔孫制禮。光我王度。  
魯公自書告身。每冊款。

乾隆御臨分鈐寶圭璋文府寓意于物用筆在  
心心清聞妙香靜中觀造化會心不遠妙意寫  
清快即事多所欣乾隆筆花春雨來青軒得大  
自在清吟寄遐思虛衷澈照妙高堂脩辭立誠  
慎修思永漱芳潤出有同春烟雲舒卷涵虛朗  
鑑朝日輝大塊假我以文章乾隆宸翰惟精惟  
一如是觀歡喜園務時敏日監在茲樂意寧靜  
觀樂天人情為田體道粹涵養敲詩月下周還

久落紙雲烟墨雲寫心

鑑藏寶璽古希天子五福五代堂古稀天子寶八  
徵耄念之寶石渠寶笈所藏

御臨王羲之十七帖 二冊

本幅金粟牋本二冊各八幅縱四寸五分橫  
七寸七分草書上冊

臨王羲之九帖 計與足下別廿六年於今雖時  
書問不解濶懷省足下先後二書但增歎慨  
頃積雪凝寒五十年中所無想常冀來夏秋  
間或復得足下書問耳比者悠悠如何可言  
吾服食久猶為劣劣大都比之年時為復可

可足下保愛為上。臨書但有惆悵。知足下  
行至吳。念遠離不可居。叔當西耶。遲知問。  
瞻近無緣。省苦但有悲歎。足下小大悉平安  
也。云卿當來居此。喜遲不可言。想必果。言苦  
有期耳。亦度卿當不居京。此既避。又節氣佳。  
是以欣卿來也。此信旨。還具示問。天鼠膏  
治耳聾有驗。不有驗者。乃是要藥。朱處仁今  
所在。徃得其書。信遂不取答。今因足下答其

書可令必達。足下今年政七十耶。知體氣  
常佳。此大慶也。想復懃加順養。吾年垂耳順。  
推之人理得爾。以為厚幸。但恐前路轉欲逼  
耳。以爾要欲一遊目汶領。非復常言。足下但  
當保護。以俟此期。勿謂虛言。得果此緣一段  
奇事也。去夏得足下致邛竹杖。皆至此。士  
人多有尊老者。皆即分布。令知足下遠惠之  
至。旦夕都邑動靜清和。想足下使還具時。

州將桓公告慰情企足下數使令也謝無奕  
外任數書問無他仁祖自徃言尋悲酸如何  
可言胡母氏從妹平安故在永興居去此  
七十也吾在官諸理極差頃非復勿勿來示  
云與其婢問來信不得也得足下旃罽胡  
桃藥二種知足下至戎鹽乃要也是服食所  
須頃知足下謂須服食方回近之未許吾此  
志知我者希此有成言無緣見卿以當一嘆



庚午長夏御臨鈴寶二乾隆下冊

臨王羲之十帖省足下別疏具彼山川諸奇揚  
雄蜀都左太沖三都殊為不脩悉彼固為多  
奇益令其遊目意乞也可得果當告問求迎  
少人乞耳至時示意遲此期真以日為歲想  
足下鎮彼土未有動理耳要欲及卿在彼登  
汶領我眉而旋實不朽之盛事但言此心以  
馳於彼矣彼鹽井火井皆有不足下目見不

為欲廣異聞具示。省別具足下小大問為  
慰。多分張念足下懸情武昌。諸子亦多遠宦。  
足下兼懷。並數問。不老婦頃疾篤。救命恒憂。  
慮。餘粗平安。知足下情至。嚴君平司馬相  
如。楊子雲皆有後不。五帝以來備有畫。又  
精妙甚可觀也。彼有能畫者不。欲因摹取。當  
可得。不信具告。往在都見諸葛。願曾具問。  
蜀中事云。成都城池門屋樓觀。皆是秦時司

馬錯所修為爾。不令人遠想慨然。信具示為  
欲廣異聞。知彼清宴歲豐。又所出有無鄉  
故。是名處。且山川形勢乃爾。何可以不遊目  
足下所疏云。此菓佳。可為致子當種之。此  
種彼胡桃皆生也。吾篤喜種菓。今在田里。唯  
以此為事。故遠及足下。致此子者大惠也。

虞安吉者。昔與共事。常念之。今為殿中將軍。  
前過云。與足下中表。不以年老。甚欲與足下

為下寮。意其資可小郡。足下可思致之耶。所  
念故遠及。今往絲布單衣財一端。示致意。  
十七帖。所謂逸少書中烜赫有名者。以唐雙鉤  
本為佳。雨餘清晝。薰風南來。幾暇臨池。正是一  
適。御筆。鈐寶二。樂意寓靜觀。乾隆宸翰。

鑑藏寶璽。古希天子八徵耄念之寶。石渠寶笈所  
藏。

御臨虞世南廟堂碑 一卷

本幅粉箋本。縱一尺八分。橫二尺二寸一分。  
楷書。乃命經營。惟新舊趾。萬雉斯建。百堵  
皆興。揆日占星。式規大壯。鳳薨騫其特起。龍  
桷儼以明空。霞入綺寮。日暉丹檻。象設已陳。  
肅焉如在。握文履度。復見儀形。鳳跼龍蹲。猶  
臨咫尺。哢爾微笑。若聽武城之絃。怡然動色。  
似聳簫韶之響。至于仲春令序。時和景淑。皎

絮壁池。圓流若鏡。青慈槐市。總翠成帷。  
臨虞世南廟堂碑。鈐寶二。惟精惟一。乾隆宸翰。

引首

御筆。典存筆髓。鈐寶一。乾隆御筆。

鑑藏寶璽。石渠寶笈所藏。

御臨黃庭堅嶽雲帖 一卷

本幅蠟牋本。縱一尺一寸。橫三尺一寸二分。  
行書。寄嶽雲。安九夏。無閑緣。實蕭灑。碧溪  
頭。古松下。卧槃陀。晝復夜。八德水。清且美。盪  
精神。浸牙齒。亂雲根。衆峯裏。掬與斟。隨器爾。  
臨黃庭堅嶽雲帖。鈐寶一。涉筆偶值幾間。

引首

御筆。問津瘞鶴。鈐寶一。乾隆宸翰。

鑑藏寶璽石渠寶笈所藏。



御筆學字偶作詩 一軸

本幅金粟牋本。縱一尺七寸五分。橫九寸五  
分行書。

硬黃閒搨適幾餘。曦影溫暾上綺疏。覆腕搶毫  
徒有法。純綿裏鐵始稱書。釵痕妙格曾聞古。筆  
諫名言足起予。研潔甌香書室靜。忘懷彷彿十  
年初。學字偶作御筆。鈐寶二。乾隆。

鑒藏寶璽石渠寶笈所藏

御臨鍾繇戎路表一軸

本幅側理紙本縱四尺六寸五分橫二尺六寸楷書戎路無行臣以無任不獲扈從即日長史還充宣示令命知征南將軍運田單之奇屬憤怨之衆與徐晃同勢并力撲討表裏俱進應時刻捷奉聞嘉熹喜不自勝

向曾展臨快雪帖茲復節戎路表作摩窠書雖大小不侔而神頗相似善學鍾王者正不必存

形迹見也。御筆。鈴寶二。乾隆御筆。執中含和。

鑑藏寶璽石渠寶笈所藏

御書曲禮語 一軸

本幅宣紙本。縱一尺九寸。橫九寸。草書。曲禮  
教不可長。欲不可縱。志不可滿。樂不可極。四  
句。款。

御筆。鈐寶一。乾隆御筆。

鑒藏寶璽。石渠寶笈所藏。

御臨王羲之散勢吾頃二帖一軸

〔本幅〕金粟牋本。縱一尺七寸五分。橫九寸三分。草書。

臨王羲之散勢吾頃二帖。知足下散勢小差。此慰無以為喻。云氣力故爾。復以悒悒想散患得差。餘當以漸消息耳。吾頃無一日佳。衰老之弊。日至夏不得有所嗽。而猶有勞務甚劣劣。

御臨鈴寶二乾隆

鑑藏寶璽石渠寶笈所藏

御臨王僧虔二岸雜事啟 一軸

本幅粉箋本。縱一尺五寸三分。橫八寸。楷書。

臣僧虔啓。劉伯寵陶瑾稱勅二岸雜事。悉委臣判。聖恩罔已。獎使入效。斯亦臣下馳至願。且職事所司。不應多陳。雖奉今旨。臣豈敢於外。下意不先上聞。正當罄率管見。令官長啟審可否之宜。會須恩裁。且得仍舊以待能者。伏願少留神照。察覽。

臨王僧虔二岸雜事啟。鈴寶二。入眼秋光盡是  
詩學古有獲。

鑑藏寶璽石渠寶笈所藏



御臨顏真卿裴將軍詩一軸

〔本幅金牋本。縱二尺一寸。橫一尺二寸二分。〕  
行書。大君制六合。猛將清九垓。戰馬若龍  
虎。騰陵何壯哉。將軍臨北荒。怛赫耀英材。劍  
舞躍游雷。隨風縈且迴。登高望天山。白雪正  
崔嵬。入陣破驕虜。威聲雄震雷。一射百馬倒。  
再射萬夫開。匈奴不敢敵。相呼歸去來。功成  
報天子。可以畫麟臺。

顏真卿裴將軍詩御臨鈴寶二靜挹古香乾隆  
宸翰

鑑藏寶璽古希天子石渠寶笈所藏

御臨顏真卿自書告楊凝式步虛詞合璧 一軸

**本幅**上下二方上幅宣紙本縱一尺六寸橫二尺一寸五分楷書

起立德賢行全光我王度見本處所藏

御筆晉唐典則冊

節顏真卿自書告御臨鈴寶一寓意真可人下

幅粉箋本縱一尺五寸橫二尺二寸五分行

草書羽衛一何鮮香雲起暮烟方朝太素

帝更向玉清天鳳曲凝猶吹龍驂儼欲前經

丈幾時降。知在永和年。西海朝金母。東方拜木翁。雲行疑帶雨。星步欲凌風。羽袖揮丹鳳。霞巾曳彩虹。飄飄九霄外。下視列仙宮。舞鳳凌天出。歌麟日夜聽。雲容衣眇眇。風韻曲泠泠。扣齒端金簡。爇香檢玉經。仙宮知不遠。祇近太微星。

揚凝式步虛詞御臨鈴寶二乾隆宸翰松竹一庭道心

鑒藏寶璽石渠寶笈所藏

御臨楊凝式大仙帖

一點

本幅粉箋本。縱一尺九寸。橫一尺二寸。行草書。鸞鶴共徘徊。仙官使者催。香花三洞啟。風雨百神來。鳳篆文初定。龍泥印已開。何須生羽翼。始得上瑤臺。羽節忽排烟。蘇君已得仙。命風驅日月。縮地走山川。幾處留丹竈。何時種玉田。一朝騎白鹿。直上紫微天。幾變遊三洞。何方召百神。風雲皆守一。龍虎亦含真。

執節仙童小。燒香玉女春。應須駐巖內。委曲  
問皇人。上法香無營。元修似有情。道宮瓊作  
想。真誥玉爲名。召嶽馳旌節。驅雷發吏兵。雲  
車降何處。齋室有仙卿。上界有黃房。仙家道  
路長。神來知位次。樂變叶宮商。盡把瑠璃盞。  
都傾白玉漿。霞衣最芬馥。蘇合是靈香。玉樹  
雜金花。天河織女家。月邀丹鳳鵠。風送紫鸞  
車。霧縠籠綃帶。雲屏列錦霞。瑤臺千萬里。不

覺往來餘

臨楊凝式大仙帖鈴寶三觀書為樂敬詩月下  
周旋久洗盡塵氛爽氣來

鑒藏寶璽石渠寶笈所藏



御臨蔡襄俞和二帖一軸

本幅上下二幅。上灑金牋本。縱一尺二寸五分。橫一尺五寸。楷書。荔支食之有益於人。列仙傳稱有食其華實為荔支仙人。本草亦列其功。葛洪云。蠲渴補髓。唐羌疏曰。延年益壽。或以其性熱。有日嗽千顆。未嘗為疾。即少覺熱。以蜜漿解之。其木堅理難老。今有三百歲者。枝葉繁茂。生結不息。此亦其驗也。初種

畏寒。方五七年。深冬覆之以護霜霰。福州之  
西三舍曰水口。地少加寒。已不可殖。大畧其  
花春生。藪藪然白色。其實多少。在風雨時與  
不時也。

臨蔡襄荔支譜。鈴寶二體。道粹涵養。圭璋文府。  
下。黃蠟牋本。縱一尺五寸二分。橫同行書。

春風東來忽相遇。金尊綠酒生微波。落花紛  
紛稍覺多。美人欲醉朱顏酡。青軒桃李能幾

何。流光欺人忽蹉跎。君起舞。日西夕。當年意  
氣不肯平。白髮如絲歎何益。

臨俞和書李白詩。鈴寶二。學鏡千古。陶冶賴詩  
篇。

鑑藏寶璽石渠寶笈所藏。

御臨米芾烝徒帖 一軸

本幅宣德箋本。縱三尺七分。橫一尺四寸五  
分。行書。

臨米芾烝徒帖。芾烝徒如禁旅嚴肅。過州郡兩  
人並行。寂無聲。功皆省三日先了。蒙張都大  
鮑提倉呂提舉壕寨左藏。皆以為諸邑第一。  
功夫想聞左右。若得此十二萬夫。自將可勒  
賀蘭。不妄不妄。芾惶恐。

御臨鈐寶二。乾隆宸翰。惟精。惟一。

鑑藏寶璽。石渠寶笈所藏。

御臨米芾拜中岳命詩帖 一軸

本幅宋箋本。縱一尺六寸八分。橫一尺二寸二分。行書。

臨米芾拜中岳命詩帖。雲水心常結。風塵面久  
盧。重尋釣鰲客。初入選仙圖。鼠雀真官耗。龍  
蛇與衆俱。却懷閑祿厚。不敢著潛夫。

丁丑冬日臨米芾鈴寶二。乾隆宸翰。琴書道趣  
生。

鑑藏寶璽石渠寶笈所藏

御臨米芾書文殊偈 一軸

〔本幅〕宣紙本。縱二尺七寸。橫一尺三寸。行書。  
見聞如幻翳。三界若空花。聞復翳根除。塵  
消覺圓淨。

文殊語。御筆臨米元章。鈐寶二。契理在寸心。乾  
隆御筆。

鑑藏寶璽。石渠寶笈所藏。



御臨董其昌節書通書 一軸

本幅宣紙本。縱六尺四寸。橫六尺。行書。聖  
可學乎。曰可。有要乎。一為要。一者無欲也。無  
欲則靜。虛動直。靜虛則明。動直則公。明則通。  
公則溥。庶矣乎。

御臨董其昌書。鈐寶三。敬勝怠。乾隆御筆。所寶  
惟賢。

鑑藏寶璽 石渠寶笈所藏

御臨董其昌書岑參叢竹歌一軸

本幅宣德箋本。縱三尺六寸三分。橫一尺五寸五分。行書。世人見竹不解愛。知君種竹府庭內。此君託根才得地。種來幾時聞已大。盛夏脩脩叢。色寒開宵撼。撼葉聲乾。能清案牘簾下見。宜對琴書窓外看。為君成陰將蔽日。迸笋穿堦踏還出。守節偏凌御史霜。虛心願比郎官筆。君莫愛南山松樹枝。竹色四時

也不移。寒天草木零落盡。猶自青青君始知。  
岑嘉州叢竹歌。臨其昌書。鈴寶。四。深心託豪素。  
乾隆宸翰。琴書道趣生。意靜妙堪會。

鑑藏寶璽。石渠寶笈所藏。

御筆畫墨梅一軸

本幅宣德箋本。縱六寸二分。橫八寸。水墨畫梅一枝。著花蕊三四。

御筆 南枝向暖 鈴寶一。心清聞妙香。

玉池

御製詩行書。

玉梅標格稱仙粧。頭踏春風領衆芳。設使東皇  
編甲第。南枝合探花郎。題畫梅舊句。御筆。

鈴寶一。乾隆宸翰。

鑑藏寶璽。水月兩澂明。石渠寶笈所藏。